

docriver 文川网
入驻商家
在文川网搜索古籍书城 获取更多电子书

中國方志叢書·塞北地方·第二十六號


據

清·金志節原本黃可潤增修
清·乾隆二十三年刊本

影印

察哈爾省

口北三廳志



成文出版社印行



10094013

中華民國五十七年三月臺一版

口北三廳志

定價：新台幣二四〇元正

發行人：**黃成助**

臺北郵政信箱二二六〇五號

出版者：**成文出版社**

臺北郵政信箱二二六〇五號
電話：九二二〇一〇號

印刷者：**正大印製廠**

三重市長生街二號之一

版權所有

內政部登記證內版臺業字第一一四七號

中國方志叢書導言

論方志在史籍中的地位及功用

論我國史籍的源流，要以尚書和春秋最古。章學誠（一七三八—一八〇一）有六經皆史的說法，認為古人未嘗離事而言理，六經皆是先王的政典。龔自珍（一七九二—一八四一）認為六經是周史的宗子。易經是卜筮的史，書經是記言的史，春秋是記事的史。國風是史官採自民間的詩而要付之司樂的，雅頌是史官採自士大夫的，禮記是一代的律令，皆歸史官守藏。這樣看來，都是與史有緣的。參證後來把會典、通典、通考各種專記律令文獻的著作，也列入史籍，適足說明我們要研究社會全面文化的時候，自然會擴大史料的徵集範圍。否則，只能局限在政治史的小圈子裡。無論如何，依今日圖書分類愈趨精密的眼光來看，尚書和春秋，總該是上古的珍貴史籍。

自從漢代司馬遷作史記，班固父子作漢書，一般人的觀念中便有經和史的分辨。魏晉南北朝以至唐初，私家修史的風氣大開，詩賦雜說，論著更多，彙存的書籍越來越豐富。本來根據內容把圖書分類列為七略，到了晉時又有四部的劃分。把兵書、方技、術數併入子部，詩賦歸入集部，成爲經、史、子、集四部。這種分類的意義，好像是說，經是民族的大本原，史是社會文化發展的跡象，子是個人發掘的理性，集是個人自由精神的感情表現。經史高高在上，冥冥中鑄成東方文化注重通貫綜合的學術精神特色，只求互相涵攝並存，蔑視抽象的分派對立，技藝在學術上不被尊重，於是文人學士把經史纏在一起，甚至文史也弄得分拆不開。一直傳沿到清代乾隆開館重整四庫，分類仍然照舊，史部中羅列了十五類子目，而方志只有一五〇種。史籍雖然很多，後人却終不能整編歸納成一部完備而有系統的中國通史和文化史。試看民國十九年瞿兌之在方志考稿序中嘆道：「吾國人之不能認識了解吾民族性者蓋有由矣，無真史故也。史不能明全體社會活動之迹，而徒措意於一二人之殊功美行，亦猶乎吾曹今日但知環吾左右者之思想行動大抵相同，而不知距吾曹稍遠者其思想行動乃膠附於數百千年之前而少所變也。」又余紹宋也在方志考稿序三中慨說：「今者國史之業，既無專司，而著作體裁亦宜畧變。必當參用通志之例，廣載各地方社會情形，而不能偏重於中央政治，乃事理之當然，亦時勢所必至，若是則有賴於方志者益多。近世以來，政治凌夷，雖屢變而不能中理合度協於人情，國事輒輒，職是之由。」這樣看來，我國累存的史料確是不少，可惜史學研究上還待重行檢討哩！

docsriver 文川网
入驻商家 古籍书城

在文川网搜索古籍书城 获取更多电子书

唐宋以來，史籍的編纂却也演進許多，官修的演化爲編年體的皇家實錄、紀傳體的正史、有關禮法的會典、偏重地理的方志；私修的也有紀傳體的正史、別史、編年體的通鑑、以事爲綱的紀事本末、屬於典志的通考、通典專史，體裁和內容都有進步。史學上也誕生了兩位傑出人物。一位是唐代的劉知幾（六六一—七二二），他取諸家所作的史籍，闡明義例，商榷利弊，遺存傳世的有史通一書，獨具評論性。另一位是章學誠（一七三八—一八〇一），曾爲和州、永清、亳州修志，又做過畢沅的幕僚，修纂湖北通志。他是重視方志，親歷其事，而又提出具體建議的第一人。這兩位皆是值得推崇的史學碩彥。

人類自從有了時間觀念，再也斬不斷過去、現在、未來的鎖鏈，這是歷史興趣的根源。有了空間觀念，又渴求地理的知識。生活演進，使文物制度日漸繁複。歷史的探討便由幾何直線擴展到橫面的伸展。中國的土地大，人口多，山川氣候不同，先前的交通遠不及近日方便，更容易形成地方特色。只憑少數人編纂的國史，顯然不能囊括各地的社會全盤現象。地方志隨時代前進，倡於明代，盛於清代，現已成爲史籍中的要角了。這便是我們要介紹方志的緣由。

方志自從明代提倡編纂，清代便昌盛起來。托庇於國學首先注重經史，再加文史素來兼顧的餘輝，早年館庫所收的方志，皆有特定的水準。其實，在政府的通令鼓勵下，各地主纂方志的，莫不兢兢業業，收集的史料，皆是可資信實的，並不限於官府的藏本。據朱士嘉統計：清代編成的地方志有四、六五五種，康熙間完成一、二八六種，乾隆間又有一、〇二四種；直隸最多，有四〇三種，四川、江西、山東、河南、陝西、浙江皆各有三百種以上。他在一九三〇年統計我國方志便有四、九一二種，一九三五年統計總數爲五、八三二種，九三、二三七卷，一九三八年又查知七三〇種，一九五八年再查知七〇〇種。這樣，總數就達到七、二六二種。比起正史來，卷帙浩繁，真不是任何人可以憑他一生精力而能全部瀏覽一遍的。但是我們原也不必去做那種迂事。祇要知道這是歷史方面還未開發的山林，可以發掘的寶藏很多。現在試依顧頡剛在中國地方志綜錄序引述的一般方志紀事要目如下：地理——沿革、疆域、面積、分野；政治——建置、職官、兵備、大事記；經濟——戶口、田賦、物產、關稅；社會——風俗、方言、寺觀、祥異；文獻——人物、藝文、金石、古蹟；便知方志內容廣泛，而且它的取材，來自檔案、函札、碑碣，是很可信實的。真正說「以校正史，則正史顯其粗疏」而已。這是說地方志在數量和內容方面也成爲史籍中的要角。

民國十九年瞿兌之出版方志考稿，賅括江蘇、河北、山東、河南、山西、遼寧、吉林、黑龍江八省的方志，一一列明了纂修年月、纂修人姓名、舊志沿革、卷數目次，並且辨體例，評得失，尤其注意特殊史料，是輔導研讀方志的文獻。此外，民二十年故宮所藏方志編目刊行，二十二年國立北平圖書館承京師圖書館和北海圖書館合併之後，藏有方志三千八百餘種，也編有目錄。

二十三年朱士嘉編中國地方志綜錄，羅列了五千多種。朱士嘉在北平所見的不過三千種，後又訪得上海涵芬樓直省志目，徐家匯天主堂藏書、金陵大學、南洋中學、中山大學諸書目，並知王綏珊藏有一千多種，又索得美國國會圖書館方志簡目、日本內閣文庫、宮內省圖書寮、日本帝國圖書館等志目，遂完成了蔚為大觀的綜錄。令人驚異的是國外的巴黎和越南的遠東圖書館，美國哈佛大學也藏有我國的方志，國內的教會校館更對方志發生興趣，這個時代的中西史學精神也就可以窺見一斑。

我國昔日的史家似乎拘束於史料的體例形式，精神已墮入治亂衰替的環循律陷坑，偏重政治史的小圈子，不敢放胆解釋人性各方面活動史實，但是今日經過科學洗禮以後，我們要弄清楚幾點：(一)憑藉文字和古物研究歷史，並不能使過去的事實完全再現，再說每件歷史事實皆有它的特殊面，能使它再現的，僅是倚靠我人的經驗和直覺。(二)科學可以捉住相同的事物，正因為我人能控制它的再現，可以求出它的共相和通性或定理、定律，但是史學上就不簡單了，我們要儘量注意它的特殊面。(三)現代史學在政治、經濟、社會、宗教、藝術以至文學方面應有廣泛的研討。(四)歷史研究者須有哲學的氣質，參用科學的方法，獲取藝術的成果。(五)對史實的特殊相若不加以解釋，只能做一個史料收藏家，算不得是真正的歷史學者。

我們現在應該知道，中國歷史在傳統的史籍以外，方志是有地域性的，另外還有一種家譜是氏族性的史料。這方志與家譜，足可幫助史家分別根據人、時、地、物四個因素來研究事態的始末，展開嶄新的歷史敘述。為了適應時代需要，樹立清晰而有系統的概念，我們把選印本方志叢書的範疇，暫定為鄉、縣、府、郡、行政區的地方史，及各種叙一物一事的專志等（如瀘水志、廬山志）。

明清以來，方志成為地方官參照施政的要覽。若說依據方志便能瞭解該地的全情，未免過於誇張，所以研讀方志只能說有助於瞭解一地的過去情況，提供歷史專題研究的翔實資料，而且要從多種方志去探求同一節目，效果就高得多，現在把方志的功用，試述幾個實例如下：

- (1) 朱彝尊日下舊聞，陸心源宋史翼，顧炎武天下郡國利病書，大多係由各種方志取材。
- (2) 陳垣的元人也里可溫考，據至順鎮江志而作。
- (3) 張亮丞菲律賓賓史上的李馬奔 (Linahong) 真人考，據閩粵方志而成。
- (4) 日人桑原隲藏作蒲壽庚事蹟，援引閩粵方志多種。
- (5) 日人加藤繁中國經濟史考證，何炳棣中國人口論，皆據很多方志的資料。

(6) 專從物產而言：乾隆時豐潤縣志記載扇子本為朝鮮進貢大臣隨員售來民間，但品級低劣，不為一般人喜愛，豐潤人利用竹枝、風景、花鳥畫改良後，風行一時。這是涉及朝貢而又有興趣的史料。又如何炳棟曾利用方志研究中國的早熟稻種。

(7) 元李好文長安志圖，詳載如何利用水力。很多方志皆有河工、灌溉、築堤的經費、徵工等資料，可供稽考。

(8) 地方賦役的負擔，也可從方志比較輕重。

(9) 往日的水陸交通、驛站距離，也可查知考證。

(10) 鄉村市集、地方商業、對外貿易、典當、礦業，皆可在方志查考。蘇州府志有論孫春陽雜貨店的記述。高陽縣志論棉紡工業及第一次世界大戰期間的發展及各地市場情況，直敘到其後的衰落。這是工商榮衰遞變的史實。

(11) 章學誠永清縣志對縣衙組織和差役的待遇，也是今日不易找到的資料。

(12) 往昔教育制度的社學、義學、書院、學田、科舉應考生的旅費等，也可從方志查考。

(13) 風俗、節日、寺院、壇觀、碑碣、古墓，在方志中均有豐富的記載可資考證。

(14) 少數民族如苗、獠的風俗，方志記載也很可靠。

(15) 歷任地方官的姓名、科舉名錄，更是考證上的極好資料。

從這些功用看來，方志確也含有一部份地理資料。乾隆四庫全書把它列入史部十五個子目之一的地理目，便是這個原故。到此，我們也要敘一敘方志的起源。有人認為漢袁康的越絕書，晉常璩的華陽國志是方志鼻祖；但那偏重地理性的圖經更可算是方志的前身。考據起來，由隋煬帝詔令天下各郡上呈當地風俗習慣及地圖，唐代令各郡每三年呈報人口一次，宋代又令潤月的年份要編圖經上呈朝廷，皆是圖經進展的實跡。宋代的志書已增列人物藝文，但遺存的很少。元代創編一統志，明代修纂一統志，因而徵求各省志書，方志的型態漸成一格。清代方志大盛，民國繼續修纂，有些省區曾急迫的限令於六個月內完成，內容自然就不免浮濫的譏評，所以刊本雖多，選讀的時候還須思量一下。本社致力於影印中國文史社會科學名著有年，此次選印的方志叢書，是完全依循前面所述的觀點，精選善本影印發行。更進一步，倘若國內外人士藏有孤本，本社願收入這部叢書，以貫徹素來發揚中國文化的精神。

序

三廳古無志也三廳古未始有廳也
蓋長城為古邊腹之限起臨洮訖遼
海萬有餘里而在宣境者千餘里居
天下之脊長遮絕域以繞京師自古
在昔有藩垣之喻有門戶之喻有人
身項背之喻顧古出居庸則為邊而
由宣北出來遠堡諸口則為大邊內
邊今宣郡古幽并上谷地外邊今三
廳古幽并荒服上谷代郡州縣錯壤
宋元開平興和大寧在馬邊有內外
也長城亦有內外城之限於外者宣
以西接大同之陽河巨野狐獨石東
訖永寧是為外防城之限於內者西

連寧鴈巨飛狐倒馬紫荆白羊東訖
居庸是為內防深塹危垣崇厓絕壑
聯堞百萬未嘗有尋丈之間外垣與
內垣同秦漢以來隨其國勢代有營
繕外塞不能守而守之外垣者有之
內塞亦不能守而守之內垣者有之
夫既不能有其土地即不能有其人
民有其政事而紀載又無論已

本朝受命奄有北國張家口獨石口及
開平之多倫諾爾設理事廳三以聽
蒙古民人交涉之事張家獨石二口
壩內治其土田職其糧賦多倫諾爾
商賈薈萃之所平市價權物稅咸置
兵設郵立倉庫固監獄體制漸與內

郡同可潤來尹宣邑適郡志燬於火
目續刊之三廳毗於宣其事通

宮保制府桐城方公叢前口北道錢
唐金副使所創三廳志昇增校而梓
以傳焉粵稽禹貢之紀九州也廩土
之佳惟黑墳廩草木之佳惟天惟喬
惟繇惟條廩貢惟羽毛齒革熊羆狝

三

狸織皮今三廳雖禹跡不及而土質
肥美色黑而脉墳開平東北木石之
峽良幹巨材輦於宣郡浮於灤河以
達於三輔艸繁而祁黝而澤伏歎沒
輪駝馬牛羊之牧其地者瘠可使肥
疴可使愈瘠可使夷華可使穉天開
上廩以及王公大人之所畜夏放秋

歸陵阿泉池或降或飲無不乳阜孔
碩馬而各郡所產牝牡之羣歲以千
萬計齊魯楚豫吳越閩廣之備馳驅
壯軍旅者舍三廳之野無以求其良
羔羊狐狸之皮取為裘裳博碩肥腩
之牲可以薦羞復有鷹隼雕鵠魚鹽
以及石青草藍楮梁芝園之英隨地

四

而出應候而生蓋其地揮寒、則氣
凝氣凝則不穀其地極墮、則氣達
氣達則物無疵癘嗚呼此三廳之所
隸不獨有裨于宣郡有裨于京師實
有裨于十五國之民生國計而不可
以荒徼視之聽其無徵者也其於人
也亦然古之遊官斯地者名臣學士

銘功畫策極事感時往、見於遺篇
而豪傑不擇地而生窮義寒帶之倫
材武雄畧史不勝紀俗雖悍而難馴
今

國家仁育義正法制網維四十九部畏
威懷德殺人傷人鼠竊雀角之獄一
卒呼之立至下於吏無不俯首唯命

五

其尊君親上之風懷仁慕義之誠採
其大端皆可登風俗之書夫載筆之
道史不能詳則輔之以志、不能詳
則證之以史北部興滅遞嬗干戈相
尋既無有司之執簡唯按以柱下之
所藏而考據于北史及遼金元之史
為多建置異而疆土不殊部落分而

裔類則一著其代以燭其事由北代
之錄証以南朝之紀至近世州邑關
鎮之旁載名山石室之留貽可志者
漸備蒐而傳之今之志後之史所資
也且由後視前以今之周行四達視
昔之乘塞守陴以今之載芟載柞視
昔之衽革荷戈以今之列市置司視
昔之設場互市以今之文告風聲傾
心逖聽視昔之征嗟離賦牢騷不平
一二文學之士載筆從容乃能勒成
書於黃沙白草之中蓋天下之文明
久矣論世者謂外塞之重輕視乎建
都之遠近漢唐都關中故臨洮以外
之塞為重

六

本朝都燕京故宣大以外之塞為重今
即是志紬繹之乘天之時目地之利
制物之宜穹廬數千里引弓十萬輩
來享來王昔以之為守者今皆為我
守無所謂塞也無所謂邊也即無所
謂內外輕重也嗚呼此無形之長城
也

七


乾隆二十有五年歲次戊寅


賜進士出身宣化縣令閩漳黃可潤

謹撰



召尔寺 廳舍圖





口北三廳志

目錄

卷首

序圖目錄制敕

卷一

地輿疆域附

卷二

山川

卷三

古蹟

口北三廳志 卷首 目錄

卷四

職官封建附 官署倉庫營房附 壇廟寺觀附

卷五

經費官俸役食附 地糧 村黨戶口 風俗物產

卷六

臺站 考牧

卷七

蕃衛

卷八

人物 列女

卷九

世紀上

卷十

世紀中

卷十一

世紀下

卷十二

藝文一 冊文疏奏劄書

卷十三

藝文二 議論說序記傳碑誌銘銘頌賦

口北三廳志 卷首 目錄

卷十四

藝文三 詩

卷十五

藝文四 詩

卷十六

雜志

口北三廳志卷之首

制敕志

敕喀爾喀

爾喀爾喀等向來不越噶爾拜瀚海之地游牧康熙三年七月內爾等越界而來朕念亂之所生皆此之故故特頒敕旨曉諭爾等部下屬衆迨後喀爾喀間有一二違禁來近境游牧以致逃盜紛紛不絕故令爾等設哨立界今爾等既稱就水草遷徙居止不定難以置哨請限以何地為界可停其置哨限以噶爾拜瀚海為界不得越此游牧噶爾拜瀚海之地距我邊境有三百程其

口北三廳志

卷之首

制敕

一

瀚海盡界之東亦須離我邊境三日之地不得內入朕視天下為一體率土之人靡不撫恤我邊境地方芻牧美好朕亦知之若喀爾喀或遇災旱芻草不生必不得已具奏請旨方可內向游牧俟草生時仍回原處如不請旨擅入內地即令我邊地官兵驅逐康熙二十二年十一月

諭大學士覺羅勒德洪明珠等

烏朱穆泰等各旗蒙古住牧於喀爾喀巴爾虎之間先竊彼兩地馬畜以致喀爾喀巴爾虎等亦盜竊其馬畜以報之曩無盜賊時驅馬北至涼地牧養肥壯收回備

可度冬自盜賊繁興夜間不敢放馬拘於欄柵中牢籠

防護馬不得肥以致不能度冬斃者甚多且喀爾喀巴

爾虎等結黨行竊夜襲邊汛我汛地之人畏懼四五汛

併居一處兩汛之間或距一日二日之程其間盜賊公

行出入此汛雖覺不能立即達知彼汛且貧窮蒙古馬

畜被竊急報該王貝勒及總統札薩克等間有不肖者

或貪飲沉醉不即遣人緝拿詳細察究縱有首告置若

罔聞耽延時日有報一馬被竊者守候食費竟至數馬

今有馬被竊不敢舉首多行隱匿誠以此也朕聞之深

為惻然軫念作何籌畫得以屏息盜賊貧窮者各遂其

口北三廳志

卷之首

制勅

二

生其令議政王貝勒大臣蒙古內大臣散秩大臣及來朝貢之外藩蒙古王以下一等台吉以上公同詳議具奏康熙二十年九月

諭尙書阿爾尼

喀爾喀等雜處我邊汛內外應嚴禁屬下不許劫奪盜竊為亂如有違犯照內地律例正法至放火小偷亦照我例從重治罪其令喀爾喀該管屬下嚴加曉諭康熙二十七年九月初八日

諭大學士伊桑阿等

朕聞喀爾喀乏食有至餓死者深為軫念頃雖令內大

臣費揚古明珠等齊茶布銀兩採買牲畜販其乏絕但採買尙須時日今若不速發糧以拯之則死者愈多矣折下尊丹巴庫圖克圖現有貿易駱駝百餘在張家口費揚古明珠等同往大臣官員所有駱駝亦令其量捐並內馴廠及太僕寺駱駝共發一百將張家口倉米星速運到散給計支一兩月間而費揚古明珠等所買牲畜已繼之矣如此則喀爾喀可活也其令侍衛吳大禪侍讀學士西拉牧廠侍衛太僕寺堂官戶部賢能司官各一員經理其事明日即馳驛速往康熙二十八年四月

口北三廳志 卷之首 制敕 三

諭內大臣佟國維等

京城大軍絡繹出邊阿霸孩阿霸哈納爾蘇尼特高齊忒等兵無所調用今不必赴尙書阿爾尼軍前著於各旗形勝之地駐扎嚴防喀爾喀新來之衆安行並供應往來差遣人員驛站糗糧毋悞康熙二十九年七月七日

論大學士伊桑阿等

噶爾丹雖立盟而去其人狡詐不可深信著於陝西各營步兵內選素習征戰人材壯健善於步行能用大刀連節棍者二千人戍守大同宣府以備朔春有事時調

遣再需善用藤牌大刀福建人數百駐於石硤之軍應設總兵官卽令與該部會同選擇此駐防之兵張家口亦選步兵一千名駐扎卽令宣府總兵官統之此兩處新設兵糧應較步兵錢糧增給議政王貝勒大臣其集議之康熙二十九年十月初六日

諭內大臣蘇爾達等

噶爾丹來至克魯倫又劫掠喀爾喀今或乘雪前來爲寇亦未可知所發備兵宜前往張家口獨石口等地方備之着議政大臣領侍衛內大臣八旗滿洲蒙古漢軍都統集議康熙三十年正月

口北三廳志 卷之首 制敕 四

諭都統瓦岱等

茲以厄魯特噶爾丹去歲雖經大敗立誓陳請但伊性生奸狡或乘我不備突來搶掠近邊歸順喀爾喀等亦未可定故遣發大兵特命爾都統瓦岱爲定北將軍前往張家口駐劄防備凡事爾同都統喀代王永譽護軍統領洪海副都統方格科爾代喻維邦商酌而行駐劄張家口將兵丁馬匹飼養肥壯務須整頓器械嚴肅官兵不得騷擾民間其一應錢糧聽有司各官應付地方事情不得干預至於官兵俱有部頒紀律如有違犯爾等會同商酌照依定例處分不得姑息以致紀律懈弛

若有山口應行機宜另頒諭旨爾等其慎之故諭康熙

三十年二月初一日

諭大學士伊桑阿等

著於四十九旗蒙古每佐領挑選二四名令本佐領中
每人各給馬三匹及甲胄弓矢全副每月人給銀一兩
又喀爾喀兵亦選二千名俱照此例為之遣我內地章
京操練聯屯於正藍旗察哈爾界上以至哈爾哈河倘
有舉動該王貝勒貝子公台吉有願効力者即率此軍
而行則於事大有裨益俟噶爾丹事畢之時令是軍各
歸本旗當於今冬定議至來春草青時行之爾等其會
同議政大臣議康熙三十四年九月

口北三廳志

卷之首 制敕

五

諭大學士伊桑阿等

朕思察哈爾左右二翼每翼可各得銳卒八百人左翼
定為中路每兵令自攜馬三匹至宣化府交養馬大臣
協同喂飼右翼定為西路每兵亦自攜馬三匹至大同
府與地方官協同喂飼務令肥澤隨大軍進發不致有
悞可着上駟院侍衛馬什赴左翼鑲藍旗蒙古護軍叅
領羅未赴右翼將所有兵馬各按數選集速令赴宣大
二府其兵衆內或馬數不足三匹者即以官員馬匹充
數驅養又聞大同草豆殊少其即於附近州縣足供芻

秣處分羣往飼亦可康熙三十四年十二月二十七日

諭皇長子

天時炎熱應令厄魯特降人暫居張家口外俟丹巴哈
什哈等家口到後酌給牛羊鍋帳等物到張家口後恐
糗糧有悞可自于成龍取銀五百兩交侍郎西喇小心
照管暫令居張家口外候旨康熙三十五年五月十九
日

諭內大臣

前以在京厄魯特應與建房居住故命議政諸臣集議
今厄魯特在此患病物故者甚多此屬既已輸誠歸化
殊為可憫其將伊等令各該佐領幫助帳房行李送至
張家口外牧場之地在彼散處應給糧餉仍照常分給
令伊等食其米積銀以買牲畜則可以謀生矣以後天
時漸熱疾病死亡者庶幾亦少著議政諸臣集議康熙
三十六年正月二十日

口北三廳志

卷之首 制敕

六

諭理藩院戶部

屢年以來察哈爾八旗官兵處處從軍効力甚苦伊等
向無俸糧欲俟滅噶爾丹後於恩詔內增添俸糧但覺
太遲自今察哈爾官員著比照京官俸量減給與目下
護軍暫給二兩驍騎暫給一兩自今以後護軍每月仍

docsriver 文川网
入驻商家 古籍书城

在文川网搜索古籍书城 获取更多电子书

給二兩驍騎一兩爾等作速定議具奏即於二月支俸時給之康熙三十六年正月二十二日

諭扈從大學士馬齊張玉書陳廷敬等

宋明之時議馬政者皆無善策牧馬惟口外為最善今口外馬厥孳生已及十萬牛則六萬羊則二十餘萬若將此馬與牛羊驅入內地牧養即日費萬金不足口外水草肥美不費絲毫之餉而馬畜自然孳息因定額以馬十萬牛六萬羊二十一萬為限向年疫氣盛行蒙古馬畜多倒斃而官厥與彼同在一處毫無傷損前巡行塞外時見牲畜彌滿山谷間歷行七八日猶絡繹不絕

白北三廳志

卷之首 制敕

七

也康熙四十四年閏四月初一日

諭理藩院

塞外居住之八旗察哈爾蒙古護軍驍騎之器械三年查看一次而前往之護軍叅領驍騎叅領等騷擾蒙古勒索馬羊等物其三年一往比丁之官員亦有勒索之處朕所洞悉再察哈爾蒙古內未曾出痘者甚多若來京挑選護軍倘遇出痘恐有損傷嗣後察哈爾八旗護軍缺出即著察哈爾總管副總管叅領等公同閱看人材可用者挑補其挑補之護軍俟三年查看軍器時從京中奏派大臣一員前往查看軍器將所挑之護軍一

併驗看其三年比丁亦照外省例交與該總管等詳查明白將比過丁數造冊送各該旗都統則眾蒙古無騷擾之患亦無往返京師之事於伊等大冇裨益著入旗蒙古都統管侍衛內大臣前鋒統領護軍統領公同議奏雍正元年六月二十九日

論

據蘇尼特阿霸垓阿霸哈納爾蒙古人等俱稱連年災傷今又遭大雪牲儻俱已倒斃等語若差官查奏始行加恩則現今乏食之人恐至饑餓著叅領多索里侍衛納蘭馳驛前往查核發戶部帑銀二萬兩前去會同阿霸垓公德木楚克逐一查明計算實在無畜收不能度日者將此銀兩著四旗酌量散給均使沾惠雍正二年四月初五日

白北三廳志

卷之首 制敕

八

管理蒙古同知白石請將入官地畝照邊內例定為三等起科每犁一具徵銀四兩二錢等語具奏奉
上諭每犁一具徵銀四兩二錢小民賣車與牛僅能交納不可催科太迫著同知白石到彼處斟酌如伊等情願即照此徵收如不能即減去二錢雍正三年正月二十三日

理藩院議奏鑲黃旗查哈爾旗分厄魯特世襲佐領

鄂爾哲爾圖等控告總管拉布坦等強娶諾爾布之
女擅奪銀物應遣官究審奉

上諭看來總管拉布坦等所行之事是實其新來投誠之
厄魯特等原係

皇考深加憫恤施恩養育之人朕亦深加憫恤施恩養育
伊等無有不知拉布坦等甚屬無恥欲強娶諾爾布之
女擅奪銀兩情殊可惡拉布坦及筆帖式羅卜藏俱著
革職究審此番究審不可不遣大員前往著將副都統
岳爾岱泰布派往再將爾衙門好司官筆帖式各派一
員隨伊等速往究審伊等到彼究審之時若有應領拿

口北三廳志

卷之首

九

夾訊者着卽鎖拿來訊再令岳爾岱泰布等到彼將厄
魯特傳集曉諭云爾等內亦有投誠者亦有據護者從
前

聖祖仁皇帝格外加恩授爾等以官爵畀爾等以產業今
皇上於爾等恩施勿替長養阜成豈肯容總管等肆意
妄行侵漁凌虐乎朝廷所以揀選人員授爲總管令其
約束者特爲教育爾等恐爾等墮廢生理之故如果約
束有方爾等不知遵奉亦屬不可今拉布坦等所行甚
屬悖謬不堪嗣後總管等如再勒索爾等物件卽赴該
衙門控告毋得隱匿雍正五年二月二十四日

理藩院議奏厄魯特原任散秩大臣兼佐領羅卜藏
錫拉布之妻呈請將伊夫三品官與伊子承襲奉

上諭厄魯特之官爵原因伊等歸順故

聖祖仁皇帝特恩加授雖無世襲之

旨而伊等各有效力之處著將厄魯特羅卜藏錫拉布之
三品官降一等授爲四品官令伊子丹津承襲嗣後厄
魯特之官員病故若有如此効力之人俱著照此降一
等承襲議奏如承襲人員再有效力之處或能守分勤
謹克盡職業者仍將所降品級賞給爾衙門將此存案
再將朕恩旨曉諭厄魯特等雍正五年二月二十八日

口北三廳志

卷之首

十

諭理藩院

今年口外蒙古地方雖皆豐收但科爾沁敖漢等十六
處札薩克地方間得收穫未甚豐盛此等旗分宜加特
恩科爾沁地方五旗着賞銀三千兩此項銀兩着交與
現今在京科爾沁王羅卜藏滾布貝子拉錫等帶去將
科爾沁土謝圖親王等處五旗未能豐收者查明賞給
敖漢等十一處札薩克地方着賞銀六千兩此項銀兩
爾衙門可派司官二員分兩路帶去會同各處札薩克
將未能豐收者查明賞給再此等札薩克各旗倉內現
有存貯米糧其未能豐收者應如何酌量借給之處爾

衙門議奏雍正五年十一月初六日

諭大學士公馬爾賽等

軍營農具必得隨大兵同進今牛車運送恐不能赴六

月之期爾等既查舊例凡有解送軍前物件常令附近

驛站之扎薩克協運今此項農具着理藩院派出賢能

司官前至附近驛站東西八旗及喀爾喀地方與各蒙

古王貝子公台吉各札薩克商酌令其各出所有駝車

馬匹照伊等所屬地方按站遞運其腳價悉照張家口

外僱運時價賞給若各旗王貝子公台吉等派委得人

將此農具早為運到於賞給腳價之外將伊等再加議

口北三廳志

卷之首

十一

叙其作何遞運給價之處爾等詳議具奏雍正八年四

月初四日

上諭

八旗王公及閒散宗室等所有口外牧場看守牲畜之

蒙古其有馬匹牲畜田產者尙可度日若並無馬匹牲

畜田產伊等家主豈概能養贍或因不能度日以致妄

生事端則伊等家主無辜受累矣與其任伊等游蕩莫

若令大臣前往收養自八旗王公宗室並大臣官員以

致閒散人等者通行曉諭伊等所有口外蒙古內如有

此等無馬匹牲畜田產不能照看養贍情願報出者令

伊等家主各行報出雍正九年十月十六日

諭大學士張廷玉等

今在途拋撒米石失少牲口令范毓積全行開報充算

正項開銷范毓積自不肯多開朕亦不疑他多開軍糧

關係重大如錢糧不足只管請領有餘不必報出不可

只圖節省以致有誤軍糈雍正九年十月

諭理藩院

據上都達布遜諾爾馬羣總管五十四奏請遷移駝馬

牧廠以蘇尼特之南諾爾魯魯西南之布綸呼查西邊

之薩木布喇克西北之塞爾北邊之桑圖東邊之郭爾

口北三廳志

卷之首

十三

拜爾為界地方寬廠便於收放倘蒙古等遊牧之處窄

狹令其往外開展等語五十四此奏甚屬悖謬蒙古扎

薩克等受國家深恩養育多年人口繁盛牲畜孳生日

多方以伊等遊牧地方窄狹時屢朕懷豈有將內地馬

羣移於扎薩克遊牧之處轉令伊等往外遷移之理乎

上年令將馬廠移於上都達布遜諾爾時因值隆冬是

以暫令於巴顏托羅海地方擇好水草處過冬今青草

已生馬羣仍令移於上都達布遜諾爾並非令在伊等

遊牧地方住牧也恐此際伊等屬下人等不知混行邪

移着仍照各遊牧地方居住將此行文與蘇尼特王等

知之雍正十年二月十一日

上諭

辦理軍需大臣等奏稱范毓麟呈報北路所運糧石及牛馬駝隻等項有被搶掠失脫者此係范毓麟據承辦人等一面之詞恐難全然憑信應請旨派員查明確數方准銷算等語朕思范毓麟自辦運軍需以來實心効力甚屬可嘉此番米石牲畜既已遺失亦難以確查若使委員前往徒滋多事亦屬無益范毓麟既實心辦運於前自無虛詞捏報之理即着范毓麟自行確查據實開報如果遺失若干即照伊所報之數准其開銷朕年來屢次加恩於彼諒彼必不忍欺雍正十年十月十八日

口北三屬志

卷之首 制敕

七

上諭

范毓麟所具呈內糧運牲口被奪甚多等語但內札薩克等何敢搶奪軍營糧運牲口等物想來運米之人間有賊至慌亂將糧運牲口擄下自去躲避因此蒙古等收留下了這有何罪著行文各札薩克曉諭爾等屬下之人如有收留米糧牲口等物各札薩克查明奏聞將給回米糧牲口報部著范毓麟差人去領將收留首出之人另有恩賞如有隱瞞不報者或范毓麟將隱瞞之

人名姓告出或旁人出首將該札薩克等一並治罪雍正十年十月二十三日

聖祖仁皇帝御製策宗寺碑文

我國家承天順人統一寰宇薄海內外悉資悉臣自

太祖

太宗握樞秉軸駕御風雲蒙古諸部相繼効順暨於朕躬克受厥成前所未格罔不思服惟喀爾喀分部最多而又強盛朕綏德輯威薰陶漸革二十餘載七家之衆既震且豫咸來受使乃除其頑梗扶其良弱錫之封爵畀以土疆朕親北巡以鎮撫之於康熙庚午之秋大宴賚

口北三屬志

卷之首 制敕

兩

於多倫諾羅四十八家名王君長世官貴族靡不畢集拜觴起舞稽首踴躍蓋至是而要荒混同中外一家矣爾賜既畢合辭請曰斯地川原平行水泉清溢去天關芻牧之場甚近而諸部在瀚海龍堆之東西北者道里至此亦適相中而今日之筵賞數錫合萬國以事一人又從古所無也願建寺以彰盛典朕爲之立廟一區令各部落居一僧以往持朕或間歲一巡諸部長於此會同述職焉至於今又二十餘年矣殿宇廊廡鐘臺鼓閣日就新整而居民鱗比屋廬望接儼然一大都會也先是寺未有額茲特允寺僧之請賜名曰策宗蓋四十八

家家各一僧佛法無二統之一宗而會其有極歸其有極諸蒙古恪守侯度奔走來同猶江漢朝宗于海其亦有宗之義也夫是為之記以垂永久云

世宗憲皇帝御製善因寺碑文

洪惟我

皇考聖祖仁皇帝恩被九有威加八紘曩歲厄得特噶爾

丹跳梁朔漠擾亂喀爾喀七旗數十萬眾懷德慕義稽

首內附

皇考躬率六軍遠行天討駐蹕多倫諾爾之地受喀爾喀

諸部君長朝謁錫之封爵為我屏垣既翦兇渠蕩定朔

口北三廳志

卷之首

制教

漢撫安藩服允從諸部所請爰於斯地創建彙宗寺俾

大喇嘛章嘉胡圖克圖居之章嘉胡圖克圖道行高超

證最上果博通經品充臻其奧有大名於西域諸部蒙

古成所遵仰今其後身秉質靈異符驗顯然且其教法

流行徒眾日廣朕特行遣官發帑金十萬兩於彙宗寺

之西南里許復建寺宇賜額曰善因俾章嘉胡圖克圖

胡畢爾汗主持茲寺集會喇嘛講習經典廣行妙法蒙

古汗王貝勒貝子公台吉等俱同為檀越主人前身後

身敬信無二自必率其部眾聽從誨導齊登善域稽古

聖王之治天下因其教不易其俗使人易知易從此朕

續承先志護持黃教之意也况此地為我

皇考駐蹕之地靈蹟斯存惟茲兩寺當與漢野山川並垂

無極諸部蒙古台吉屬下永遠崇奉歡喜信受薰蒸道

化以享我國家億萬年太平之福朕深有望焉

康熙三十五年三月丁卯

上出獨石口

遣戶部侍郎阿爾拜致祭獨石口山川之神文曰

惟

神時臨邊塞襟帶朔方峰壑高深靈爽夙著朕茲親蒞

邊外掃除寇氛特遣專官用申禋祀惟

口北三廳志

卷之首

制教

神默佑迅奏膚功尚饗

戊辰

上駐蹕諾海和碩即紅城子上渡河居中地方已已

上駐蹕傳洛河屯猶華言青城在諾海和碩正北六十餘

里遺址尚存是日

命阿哥等習射

聖祖仁皇帝發五矢俱中

辛巳

上駐蹕噶爾圖

命大學士伊桑阿致祭風雨及口外山川之神文曰茲

因厄魯特鳴爾丹逆天梗化擾亂邊徼朕統率六軍
聲罪致討親蒞塞外以期蕩寇安民必賴山川効靈
風雨威若始于師行克有攸濟此日以來雨雪聞作
節候未調恐稽征邁朕心夙夜靡寧惟

神默贊捷伐之遠圖益助羣情之豫順俾時和氣協早
滌邊塵軍事有裨

神功聿懋是用特遣專官虔申告祭

神其鑒之

御製詩

北藩諸部君長來迎

口北三廳志

卷之首

七

關山直北盡王臣屬國侵襲難頻為靖邊方勤士馬
欲令藩落輯民人聲靈有赫羣知肅并舞來同意倍親
共觀此行清朔漠保疆綏土俗還淳

沙漠

高下龍堆萬馬趨直將漠外作疆隅漢家只守飛狐嶺
坐使中原失遠圖

外藩諸部落絡繹來賀宴賚之

諸部名王集扶搖繞御營皆言清朔漠從此樂生成喜

溢車書會歡騰鼓角聲朕懷勤撫恤所志在休兵

閱馬牛羊羣

邊境地閒敵畜牧多蕃滋掌理各有職水草實咸宜疆
輿裕肥策享宴豐牲犧日給大官庖歲供內廐駒不煩
賦畝力生息頻在茲偶來歷塞垣按轡省所司千羣此
壯壯萬隊雲錦奇暖就陽坡眠驂向秋原馳非獨克擄
賚兼得佐熊羆夏五破狡虜挂弓天山墜甲士歸伍閱
休養正此時庶物詎云細國用恒相資嘶欲適其性覆
載本無私

山行

古木荒山落葉稀寒流幾曲漾斜暉馬蹄行徧龍堆路
總是金湯戶外屏

口北三廳志

卷之首

八

乾隆十年八月二十八日

皇上自圍場出哨後

駕幸多倫諾爾

駐蹕善因寺寺南附近會盟諸部落宴賚澤下尊丹巴
胡圖克圖及各蒙古扎薩克由多倫諾爾進張家口
駐蹕陶喇廟於是月三十日回

鑿

口北三廳志卷之首終

口北三廳志卷之一

地輿志 疆域附

北垂沙漠所以絕內外然天子有道守在四夷德之所及固自遠也

國家自平卒賽定察漢軍律之播肇於兀蘇

聖祖仁皇帝親征漠北總四十九部而併幪之

聖聖相承其寧惟永口北三廳之設蓋通天保於采薇矣

特合古今興廢沿革之由見光烈所昭莫盛於此焉

志地輿

一三代荒服地

口北三廳志 卷之一 地輿

前漢上谷代二郡北境直匈奴左王居及單于庭

案宜郡東為漢上谷郡西為漢代郡地三廳所治環

周其外則二郡之外疆也又前漢匈奴傳左王居東

直上谷單于庭直代雲中匈奴本居朔漠而日直者

如儀禮設洗直東榮之直蓋遙相當之謂非居代上

谷也 又案匈奴傳云漢棄斗辟縣之造陽師古曰

斗絕也縣之斗曲入匈奴界者其中造陽也然燕長

城注以造陽為上谷今宜郡全有漢上谷地所謂斗

曲入匈奴界者惟今獨石之形勢為然但漢已置為

郡縣而傳謂之棄又上谷北境本漢塞止地而傳謂

之匈奴界者據傳贊云棄造陽之北九百里則所謂

棄者特其北境非并此斗辟者棄之也又據侯應云

北邊塞外單于依阻其中蓋北部盜邊時居塞上上

谷外疆反若為其所有者故以匈奴界言之其實皆

漢地耳但秦築長城自臨洮至遼東燕築長城自造

陽至襄平 今遼東地 皆今內三關之長城後人因燕長城

起自造陽遂以今宜郡塞垣當之不知宜郡塞垣未

嘗至遼東其至遼東者則仍居庸以東之長城耳蓋

居庸本隸上谷故亦以上谷言之至於宜郡之城則

實創於元魏魏本紀所謂築長城於長川之南自赤

口北三廳志 卷之一 地輿

城至五原者是也若漢則未嘗有城未有城而仍得

保其斗辟之造陽并其北九百里之地亦未嘗棄之

為匈奴界者據侯應之論上谷云北邊塞至遼東外

有陰山東西千餘里孝武斥奪此地建塞微起亭隧

築外城設屯戍守之然後邊境得用少安又云幕北

地平少草木多大沙匈奴來寇少所蔽隱從塞以南

逕深山谷往來差難云云其所云邊塞至遼東千餘

里者上谷代地在焉漢無邊城而日築外城者蓋以

營堡郡縣城言之以在秦長城之外故謂之外至其

言邊境也惟日塞南幕北則塞與幕界所謂塞微亭

隄且盡合幕南之地而守之矣或有以塞南為今關南者不知關南道路坦夷何逕深及往來差難之有夫以漢之備邊嚴密如此而或以為棄造陽或以為棄造陽之北九百里不亦誣乎且據傳言蒙恬收河南地又言蒙恬所奪河南地夫曰收是還其故有之辭至謂之奪則竟以為匈奴地而我攘之侯應斥奪之說亦然史之不足訓大概如此要之幕南本漢地匈奴依阻亦非常居傳云直上谷直代雲中則匈奴自有居可知今口北三廳所治即造陽以北之地其所管轄且極之幕北矣故以上谷代北境斷之

口北三廳志 卷之一 地輿 王

後漢為烏桓鮮卑居烏桓校尉所治地三國魏及晉因之

案後漢書烏桓傳光武初烏桓與匈奴連兵為寇居

止近塞朝發穹廬莫至城郭其在上谷塞外白山者

為最強建武二十五年率眾向化居塞內蓋在徒幽

并人民居常山居庸兩關後也又鮮卑傳承初中令

燕蒞陽止烏桓校尉所居寧城下置南北兩部質館

及延熹六年鮮卑檀石槐自分其地為三部右北平

以西上谷十餘邑則中部遼東二十餘邑為東部

帝初烏桓大人在上谷有難樓者九十餘落與在遼

西諸郡者俱稱王三國志烏桓鮮卑傳漢末鬪柔殺

烏桓校尉邢舉代之帥烏桓鮮卑歸附魏太祖以柔

為校尉建安十一年柔所統烏桓萬餘落各從其族

居中國所謂三郡校尉者難樓在其中文帝時田豫為烏桓校尉

書北狄傳魏武帝分其眾為五部立其中貴者為帥

透漢人為司馬以監督之魏末復改帥為都尉晉武

帝踐阼後匈奴歸化帝納之入居塞內者十九種時

拓跋已居匈奴地昭帝自以一部居東在上谷北瀋

源之西今口北外境三廳所治地也資治通鑑惠帝元康六年拓跋

蘇官分其國為三部一居上谷之北云云

口北三廳志 卷之一 地輿 四

元魏為柔玄懷荒禦夷三鎮地案魏書官氏志有鎮將建為懷荒鎮太將江陽王繼都督柔玄撫真懷荒諸軍事是也

資治通鑑注魏世祖破蠕蠕列置降人於漠南東至

濡源西概五原陰山竟三千里分六鎮今武川撫冥

懷朔懷荒柔玄禦夷也六鎮東西不過千里當白代

都北塞東至濡源杜佑曰六鎮並在馬邑雲中單于府界南齊文帝時

魏主魏孝文帝如懷朔已未如武川辛酉如撫冥甲子如

柔玄此六鎮自西徂東之次第水經注懷朔在光祿

城東北考其地當在漢五原相陽塞外杜佑曰在馬邑郡北三百

里武川在白道中溪水上白道在陰山之北又北出

大漠柔玄鎮在于延水東于延水出柔玄西長川城南小山東南逕漢代郡且如故城南則柔玄在漢且如縣西北塞外其懷荒在柔玄之東禦夷之西

案魏書帝紀太祖泰常八年築長城於長川之南自赤城西至五原延袤二千里此即今宣郡邊垣之舊址也又世祖太平真君七年築畿上塞圍起上谷至

於河廣袤皆千里則又以方千里之圍為長城之外廓今漠南遺址猶有存者據注六鎮置於恒燕朔三

州塞下又據水經濡水從塞外來東南過遼西令支縣北注云濡水出禦夷鎮東南西北逕禦夷故城北

口北三廳志

卷之一 地輿

五

濡水即今灤水灤水源出塞外黑龍山在今開平界中則禦夷與注所引懷朔柔玄武川皆在塞外由此推之則六鎮皆在塞外東起禦夷西盡懷朔柔玄居宣大之中懷荒又居禦夷柔玄之中可知矣三鎮在宣塞之外則即在塞圍之內所謂東西不過千里者以塞之地約之也或云撫冥又在東不見所據又案水經注以赤城之舊南城為禦夷鎮謂元魏所置則自開平至赤城皆鎮地也

北齊為北燕州之北境

案後齊改上谷地為北燕州時雖有突厥庫莫奚而

於宣境無邊事

隋為涿郡鴈門之北境

案隋書并上谷為涿郡之懷戎縣并代郡為鴈門之靈邱縣時突厥和親鐵勒奚及契丹自相攻擊雖有內附各還其所邊境無可紀

唐為武新媯蔚四州外境奚別種居之

案唐書武州為今宣郡新州為今保安州媯州為今懷來又唐書北狄傳奚東胡別種即庫莫奚夏從冷

陁山直媯州西北咸通後隸契丹其酋去諸引別部內附保媯州北山遂為東西奚

契丹在奚東北其居北山者為西奚

口北三廳志

卷之一 地輿

六

案北狄傳貞觀三年可度者內附為置饒樂都督府拜可度者使持節六州諸軍事饒樂都督封樓煩縣公賜姓李氏以阿會部為弱水州處和部為都黎州奧失部為洛壤州度稽部為大魯州元俟斤部為渴野州各以酋領辱統主為刺史隸饒樂府復置東夷都護府於管州兼統饒樂松漠地置東夷校尉據唐地理志饒樂府僑治於潞又其時內附者眾各為僑治居之突厥州五府曰定襄雲中桑乾呼延堅所統州一十有九在寧朔朔方地契丹州一府曰松漠州凡十七據遼史在順州則唐之羈靡州俱非宜郡塞

上

遼為奉聖歸化二州北境乙室部訛僕括部與撒里葛

三部所居

案遼史營衛志乙室部大王及都監鎮駐西南之境

司徒居鴛鴦泊開撒拔居車軸山訛僕括部與撒里

葛部同居望雲縣東望雲隸奉聖則州之北境也又

地理志西京道歸化州雄武軍有炭山又謂之陘頭

有涼殿承天皇后納涼於此山東北三十里有新涼

殿在今舊興和

金為西京路桓州威遠軍節度使今舊開平撫州鎮寧軍節

口北三廳志卷之一 地輿

七

度使地今舊興和

金史地理志桓州威遠軍節度使軍兵隸西北路招

討副明昌七年改置刺史縣一清塞明昌四年以罷錄事司置撫

州鎮寧軍節度使遼秦國大長公主建為州章宗明

昌三年復置刺史為桓州支郡治柔遠明昌四年置

司侯司承安二年陞為節鎮軍名鎮寧撥西北路招

討司所管梅堅必刺王敦必刺拿憐木花速末葛斜

忒渾四猛安以隸之縣四柔遠大定十年置於燕子城隸宣德州明昌三

年來集寧明昌三年以春市場置豐利明昌四年威

屬承安二年以撫州新城鎮置

元為上都興和二路及興松雲三州地上都即舊開平

元史地理志上都路唐為奚契丹地金平契丹置桓

州元初為札刺兒部兀魯郡王營幕地憲宗五年命

世祖居其地為巨鎮明年世祖命劉秉忠相宅於桓

州東灤水北之龍岡中統元年為開平府五年以關

庭所在加號上都歲一幸焉至元二年置留守司五

年升上都路總管府十八年升上都留守司兼行本

路總管府事領院一警巡縣一開平興和路唐屬新

州金置柔遠鎮後升為縣又升撫州屬西京元中統

三年以郡為內輔升隆興路總管府建行官領縣三

口北三廳志卷之一 地輿

八

高原倚郭中統二年教天城元初隸宣德府威寧元初

隸宣德府中懷安同上

又世祖本紀中統三年十二月割北京興州隸開平

府四年五月陞開平府為上都庚子陞上都路望雲

縣為雲州松山縣為松州案今獨石口外自龍門所

塘子口以北乃元雲州之東境自滴水崖盤道口以

南至珍珠泉大水峪皆元興松二州之西境也

又威寧縣宣鎮志以為前明懷安衛地考元虞集所

撰威寧井氏先塋碑則威寧在今張家口外烏里雅

蘇臺西豐川衛交界之大青山後其碑尚存蓋懷安

北境外之地也

明為開平衛及興和守禦千戶所地又為全寧衛之西

北境大寧都司朶顏衛及營州前屯興州五屯衛之

西北境後俱廢為驍阻諸部落駐牧地

明史地理志開平衛洪武二年為府屬北平行省尋

廢府置衛屬北平都司永樂元年二月徙衛治京師

直隸後軍都督府四年二月遺舊治宣德五年遷治

獨石堡改屬萬全都司而令兵分班哨備於此後廢

原北西北有寧昌路東北有應昌路北有泰寧路又

有德寧路元俱直隸中書省泰寧昌德寧三路

今俱在察哈爾東翼四旗遊牧境內為多倫諾爾同

知所轄地惟泰寧路考元史本紀仁宗延祐中隸遼

口北三廳志

卷之一

地輿

九

陽省似應在開平之東南

明史注云在北疑有誤

開平左屯衛洪武二年八月置於七合營永樂元年

廢七合營其地未詳或即

廢今多倫諾爾未可知也

開平右屯衛洪武二十九年置於軍臺永樂元年廢

軍臺地未詳

開平中屯衛洪武二十九年置於沙峪永樂元年二

月徙治真定府尋徙治灤州西石城廢縣沙峪即大

石口東北七十五里

開平前屯衛洪武二十九年八月置於偏嶺永樂元

年廢偏嶺在獨石口北四十五里

開平後屯衛洪武二十九年八月置於石塔永樂元

年廢並地理志石塔地未詳似應在開平衛北六

十里白城明之武平鎮故地又獨石口北石柱

子明時地名雙塔未知孰是

明史地理志興和守禦千戶所洪武二年為府屬北

平布政司四年後府廢三十年正月置所永樂元年

二月隸直隸後軍都督府二十年為阿魯台所攻徙

治宣府衛城其地遂虛矣興和北有淨州路西有集

寧路今俱在察哈爾東翼鑲

黃旗西翼正黃旗遊牧境內為多倫諾爾同知及大朔通判所轄地

案乘輿和據明史以為永樂二十年事兩鎮三關志

謂永樂元年乘輿和其說曰新興伯譚某守輿和嘗

口北三廳志

卷之一

地輿

十

出獵守備王煥候之郊中酒為伏虜所縛脇之從入

乘夜呼門守者不察納之城遂陷今攷明史本紀永

樂二十年阿魯台攻輿和都指揮王煥戰死而初無

棄地之文又考明史功臣表譚忠封新寧伯而非新

輿其傳中亦未嘗有鎮守輿和之事惟明史彙列傳

載清平伯吳成宣德初守備輿和好畋獵不修武備

寇伺其出獵猝入城執其妻孥以去與尹志所紀事

頗相類然亦非譚姓也竊意當宣宗時使輿和果已

棄則寇所入者宣府城也乃考之紀傳宣德五年以

前並無寇犯宣府事是知永樂末年輿和所雖移治

而其地實未嘗虛命將遣兵鎮守如故迨至吳成被
據宣宗或有鑒於前此王煥之死知其地孤懸難守
遂舉而棄之未可知耳蓋方是時陽武侯薛祿等屢
以開平懸遠力請內徙安知典和之棄不并在一時
特以治所先徙於鎮城故雖棄地而人亦不之覺耳
若謂永樂時即棄之吾未敢信

國朝墾內為農田墾外為察哈爾東翼四旗西翼正黃半
旗遊牧地三廳治之隸口北道

山西大朔
通判所轄

雍正二年理藩院為知會事據都統弘昇等奏稱臣
等丈量得察哈爾右翼四旗地畝共計二萬九千七

口北三廳志

卷之一 地輿

七

百零九頃二十五畝此所丈量之地若設立庄頭耕
種則多費錢糧若將現種地之民盡行驅逐入口則
伊等俱係無籍窮人入口無耕種之地至於度命艱
難不無作亂為非之事若將此地即交與伊等耕種
每畝令其交納錢糧七分一年可得十九萬餘兩應
設滿洲同知一員駐劄於四旗之中正紅旗口西邊
北新庄督管農民事務將人民姓名繕造清冊移送
戶部每五十家設里長一名十家設十家長一名督
催錢糧其同知一身不能遍及應設滿洲千總二員
承辦催守錢糧巡察等事臣等又看得自張家口至
廣靈旗察哈爾西界各處山谷僻隔所居者萬餘戶
民既多不無盜賊等事若交與新設同知令其兼轄
既有錢糧而又任以刑名殊覺繁劇應於張家口地
方再設理刑滿洲同知一員查員外郎白爾其
人去得且識漢字者以員外郎銜辦理同知事務
較律應轉自張家口起至殺虎口俱近遠隸應將新
設同知為直隸所屬其蓋造衙門設立書吏皂隸凡
所應用應給之處俱交與該撫照依舊章辦理如
例辦理如漢人之事令同知料理完結如蒙古漢人
參錯之事會同該總管審事可也如有所關人命漢

口北三廳志

卷之一 地輿

七

人之事解與直隸巡撫完結其同知關防照依歸化
城土默特同知關防著該部鑄給將此入官地畝再
戶部詳官一員與同知前往會同總管等將地畝再
詳加丈量造冊四至邊界清冊圖樣送部存案將已經
入官地畝仍令各自原種之人耕種蓋送倉時同知
會同鑲黃正黃察哈爾旗下總管等於八旗分中在
放什希山嶺地方計一年所收米數酌量容五年之
米蓋造立倉蓋造時令同知將本年種地之租仍依
舊納之數收取蓋倉如有蓋倉所剩銀兩買穀或添
入倉收貯其所收地租若干之處令其呈報該部現
今官種地畝內其間有未墾荒甸之處若同知詳察
令其開墾如取錢糧無容其同外估墾遊牧之地
再種地之民人每五十家設里長一人每十家設十
家長一人管理若令伊等連妻子一同帶去居住恐
其生事不准帶領妻子前往除情願在口外過冬人
等外餘者俟秋收之後約令入口每年種地之時再
行出口耕種其出入行走之處著令照驗同知關防
文書准其行走其盤察盜賊該同知與總管等如該
嚴察其倉內所貯米石不致糜爛視春冬二季時價
權賣所得銀兩俟秋收後照數採買入倉年終將貯
倉糧米之總數造報該部自殺虎口至張家口種地
人民俱令新設同知管轄等因於雍正二年七月十
三日具奏奉
旨前等道議得依議欽此欽遵和碩怡親王等公同保
放理事同知事務理藩院員外郎白石於本月內即
在收納今年地畝錢糧其新平口外所造同知衙門
告成以前同知事務所收錢糧暫於何地辦理收貯
之處巡撫處相應在張家口內左近酌量料理給與
官房應役人等併催地畝錢糧人役所收錢糧派與
看守官兵之處俱交該地方官作速料理可也
雍正十年大學士伯鄂爾泰等奏稱雍正十年七月
十一日奉
旨聞多倫諾爾地方聚集蒙古民人甚多其中亦有為盜
者今將澤下尊丹巴胡土克圖胡爾罕移住多倫
諾爾寺內將來謁見喇嘛之蒙古及貿易之民人聚
集者必至愈多稽察賊盜不得不嚴多倫諾爾地方
或設立理事同知管轄或作何管轄之處爾等議奏
欽此欽遵該部等查得本年二月內據提督路振揚
以多倫諾爾地方應於獨石口官兵內派千總一員
兵八十名前往駐防等因具奏經臣等議得多倫諾

docsriver 文川网
入驻商家 古籍书城

在文川网搜索古籍书城 获取更多电子书

爾地方尙屬寧靜既有張家口理事同知管理總察其撥兵前往駐防之處應無庸議等因奉准行文在案今我

皇上以胡土克圖移住多倫諾爾地方蒙古民人前往彼處者更多必須嚴緝盜賊所降

論者其是彼處若不設立專司官兵則不無盜竊開闢等事查獨石口與多倫諾爾相近業已添設官兵今請於獨石口副將屬下撥派綠旗兵四十名或守備或千總一員給與一年口糧於多倫諾爾地方蓋造營房令此官兵前往駐紮嚴緝盜賊一年更換一次至多倫諾爾地方與張家口正藍察哈爾旗地接壤應添此二旗各派兵十名章京一員前往多倫諾爾嚴緝盜賊着該總管酌量令其輪班行走又臣等查得

倫諾爾係張家口理事同知白石所屬地方但張家口與多倫諾爾相距五百餘里前往稽察誠恐艱長

倫諾爾相近請將關寧兼同知銜令伊不特前往多倫諾爾巡察嚴緝盜賊辦理夷漢事務其緝盜之責古緣旗官兵着關寧管轄如有應報事件申文報部可也為此謹奏請

旨等因於雍正十年七月十四日具奏奉旨這事依議着派大門侍衛二員往多倫諾爾地方駐劄不必管事令其照看胡土克圖半年一換欽此又理藩院咨稱查從前議政以張家口同知白石係直隸所屬將蓋造衙署設立書吏早役等事交與該督料理其同知關防由該部鑄給關防給書吏早役作在案今多倫諾爾亦係直隸所屬地方應行文該督令將員外郎兼理事同知關寧蓋造衙署并設立書吏早役作及一切應得之處俱照同知白石之制分給外其兼理同知員外郎關寧既無管理驛站事務關防其請添設同知關防之處應毋庸議可也雍正十二年九月兵部為遵

旨議奉事該臣等議得直隸總督李衛奏稱張家口理事同知管理口外東西兩翼八旗地方經徵西月旗人官地租銀兩承審口外八旗東自千家店西至土盜等案職掌繁重但口外八旗自千家店西至土

及雖所轄有千把總一員現准移駐口外並新設有筆帖式一員協和而地遠村零猶恐未能週察且口內多係旗民雜處訟案滋繁同知又兼辦軍需顧此

失彼每至稽延未結查東西四旗獨石口設有管站員外郎一員兼管多倫諾爾命盜等案仍由張家口同知審轉官職相尋未免不便該員閱寧人甚勤幹請即以之兼管獨石口理事同知再於張家口外東四旗之太平庄添設把總一員黑河川添設千總一員各帶兵二十名巡查俱令該同知率領經管口外東翼正白鑲白正藍鑲黃四旗逃盜人命匪類等案及口內延慶懷來龍門赤城四州縣一切旗民互訟命盜等案其獨石口外站務及多倫諾爾命盜等案仍舊令該同知管理至口外西翼四旗正黃正紅鑲紅鑲藍四旗及口內蔚州懷安萬全宣化保安西寧蔚縣七州縣仍留與張家口同知率領前准移駐之千把新添之筆帖式催徵西四旗地租銀兩照舊經管內外一切案件庶無疎漏等語應如所請將西翼正黃正紅鑲紅鑲藍四旗地租銀兩仍令該同知率領前准移駐之千把并新添之筆帖式照舊催徵仍令該同知經管內外一切事務張家口理事同知管轄之獨石口地方既設有管站員外郎一員其所管之多倫諾爾命盜等案仍由張家口同知審轉未免不便應如該督所請令現任管站之員外郎關寧兼管獨石口

理事同知再於張家口外之丁庄子灣准其添設把總一員黑河川添設千總一員即於該處裁兵二十名巡

察俱令該同知率領所添弁兵即於該處裁兵二十名巡給經管口外東翼正白鑲白正藍鑲黃四旗逃盜人命匪類等案及口內延慶懷來龍門赤城四州縣一切旗民互訟人命等案其獨石口站務及多倫諾爾

命盜等案仍照舊令該同知管理至西翼正黃正紅鑲紅鑲藍四旗及口內蔚州懷安萬全宣化保安西寧蔚縣等七州縣仍留與張家口同知管轄等因

又疏稱張家口外墾種地畝難經臣奏請改山西廣昌縣歸併直隸案內議於山西省劃理但工外地方遠關即使分歸山西尚有多餘且內地延慶等州縣事件亦須分員管理張家口同知原設千把各一員

催糧馬兵二十名今請兼緝口外逃盜原兵不敷亦應添給馬兵二十名歸於千把帶領巡察好照原邊口內外均有帶責等語亦應如所請張家口同知原設千把總各一員馬兵二十名之外准其添給馬兵

二十名以資巡察所添馬兵即於所裁馬兵內撥給等因具題本月初六日奉旨依議欽此

旨依議欽此

旨依議欽此

旨依議欽此

旨依議欽此

旨依議欽此

旨依議欽此

旨依議欽此

附疆域四至

張家口理事同知所屬

東一百五十里至龍門溝與獨石口交界

西二百里至大青山與山西大同府豐川衛交界

南係邊墻境門與萬全縣交界

北自邊墻起一百二十里至霍朔泰壩與鑲黃旗察

哈爾交界

東南順邊四十里至青邊口與宣化縣交界

東北一百四十里至麻呢壩與鑲黃旗察哈爾交界

西南順邊一百一十里至洗馬林口與萬全縣交界

口北三廳志

卷之一

疆域

五

西北一百五十里至雲頭壩與正黃旗察哈爾交界

東西廣三百五十里南北袤一百二十里

東南至宣化府六十里至

京師四百二十里

獨石口理事同知所屬

東二百九十里至大西溝與土城子交界

西七十五里至好來溝與多倫諾爾交界

南三百七十里至珍珠泉與延慶州交界

北五十里至東石柱子與多倫諾爾交界

東南三百一十里至黃土梁與熱河交界

東北七十里至老漳溝與多倫諾爾交界

西南七十五里至龍門溝與張家口交界

西北八十里至王愛卜落北溝口與多倫諾爾交界

東西廣四百二十里南北袤五百四十里

西南至宣化府二百五十里南至

京師四百五十里

多倫諾爾理事同知所屬與各旗蒙民交涉界限

東一百里至烏蘭哈爾哈與熱河圍場交界

西五百二十里至喀喇鄂博圖與正黃旗察哈爾交

界

口北三廳志

卷之一

疆域

六

南二百二十里至赤倫巴爾哈達即石與獨石口交

界

北二百里至博洛温杜爾與蒙古阿霸孩扎薩克旗

分交界

東南七十里至森吉圖與熱河土城子交界

東北一百四十里至格勒蘇臺與蒙古克西克騰扎

薩克旗分交界

西南三百四十里至嘛呢壩與張家口交界

西北六百一十里至登杜胡杜克與蒙古蘇尼特扎

薩克旗分交界